


古今医案选



古今醫案按選卷四

嘉善俞 震東扶輯

杭州王士雄孟英選

定州楊照藜素園評

會稽董金鑑竟吾校

骨鯁

寶夢麟曰。隆慶三年正月。鹽商胡小溪家人媳婦。年二十三歲。懷妊九月矣。一日食魚。魚鯁喉間。至半日嘔吐。繼之以血碗許。魚骨尚在喉中。忽吐出一條。約有二尺。



南京中醫藥大學圖書館版權所有

餘形如小腸闊五分。內有所食魚菜粉皮飯未化。家人
爲推入口中。尚餘五寸。其夫復納入之。遂昏倦。自此嘔
吐不止。湯亦不能進。延余治之。卽將炭火一盆放病榻
前。以醋一椀沃之。使醋氣盈其室。以清其神。用牛黃清
心丸一服。覺腹有微疼。再用四物湯加人參阿膠紅花
丹皮五六帖。病全愈。蓋此婦所吐之腸。有類於腸耳。若
腸出而斷。頃刻立斃。豈有得生之理。此吐出者肺之系
也。因嘔吐太甚。被氣衝逆而斷。其連肺之一頭。隨吐而
出。今旣納入。復吐不已。氣不平耳。故用醋湯以醒其神。

牛黃丸以清其心。煎劑以補其氣血。自然安妥。醫者意也。全在活法。書此以爲世勸。

俞按此條活法雖佳。但云吐出者爲肺系則謬。

楊曰誠然

夫穀肉果菜。由食管入胃。豈由肺系入肺。卽如刀傷

者。斷食管可治。斷氣管必死。今云斷其連肺之一頭。

則其人安能活哉。旣能推納入口。則原未斷也。然究

係何物。或卽食管耶。

楊曰是也

又不詳明骨鯁何以脫去。

殊多疏漏。因類案骨鯁門無有義理可取者。所載橄

欖細嚼。及核磨汁。與貫仲煎汁。或白飴糖吞嚥之治

魚骨鯁。俱敘其方之所自來耳。南蓬砂含嚙。治火肉
骨鯁亦然。然以此種入集。又不勝收矣。故魚骨鯁者
有楮葉搗汁頻嚙。水老鴉翅羽燒灰水服。及其乾矢
研末水服。併以水和塗喉外。水獺爪爬喉嚨下。皆妙
法也。而皂角末吹鼻中得嚏。卽出爲尤妙。昔賢云。凡
諸骨併竹木刺鯁塞咽喉不出者。不可頻以乾物壓
下。若刺骨堅利者。愈壓則愈深矣。惟以鵝翎微蘸桐
油入喉探吐。則刺必隨吐順。拔而出爲勢最順。或以
韭菜勿切煮半熟。略嚼嚙下。少頃探吐。勢必牽挂而

出竇公所治之證。其鯁骨諒亦隨嘔吐去。祇存嘔吐所傷之病。故如是治。

頭痛

孫文垣治蔡樂門令眷頭痛如破。髮根稍動。則痛延滿頭。暈倒不省人事。踰半時乃甦。徧身亦作疼。胸膈飽悶。飲湯水停膈不下。先一日吐清水數次。虻蟲三條。原爲怒起。今或惡風。或惡熱。口或渴或不渴。大便秘。脈則六部皆滑。大有力。孫曰。此痰厥頭痛也。先以霍香正氣散止其吐。繼以牛黃丸。黑虎丹清其人事。頭仍疼甚。又以



南京中醫藥大學圖書館版權所有

天麻藁本各三錢。半夏二錢。麻黃薄荷白芷陳皮生薑
葱白煎服。得少汗而頭痛少止。至晚再服之。五更痛止
大半。而人事未全清。孫謂此中焦痰盛。非下不可。乃用
半夏五錢。巴霜一分。麪糊丸。每服三十九丸。生薑湯送下。
午後大便行三次。皆稠粘痰積也。由此飲食少進。餘證
差可。惟偏身仍略疼。改用二陳湯加前胡藁本薄荷黃
芩石膏枳殼石菖蒲調理而安。

僧慎柔治一貴介。年三旬。因齒痛服石膏三錢。卽滿頭
皆腫痛。牙齦上腭腫勢尤甚。天明稍退。蓋得陽氣故也。

診之右關細澀。左關洪。左尺亦澀。曰此須納氣下達。方得脈和。定方名羌活散火湯。楊曰既欲納氣下達何故又參入風藥羌活五分。防風三分。酒連一分。酒芩二分。茯苓一錢。人參二錢。甘草五分。半夏一錢。破故紙一錢。枸杞一錢。二劑脈漸粗大。是陽氣下行矣。頭痛稍止。可見前因下焦無陽。陰火上衝而痛劇也。服至八劑。頭痛全止。齧腫未退。脈則漸和。曰將愈矣。此陽氣已至。恙所果四五日出膿少許而瘳。

俞按類案謙甫治柏參謀。是氣虛頭痛。戴人治一婦

偏頭痛五七年。是積熱頭痛。立齋治劉尙寶。是肝火頭痛。士材治蔣恬庵。是腎虛頭痛。文垣案是痰厥頭痛。慎柔案是陽升不降頭痛。六種之外。又有因風痛者。抽掣惡風。鼻塞眼脹。因寒痛者。惡寒戰慄。面慘肢冷。因溼痛者。痛而且重。天陰轉甚。或四肢疼重。面目浮腫。此皆外因也。雄按暑熱爲痛。亦是外因也。內因則氣虛之外。血虛更多。積痰之外。積食亦有。丹溪云。肥人頭痛。多是溼痰。瘦人頭痛。多是血虛有火。斯誠要言。然因雖數端。靡不兼風。無風入。但作眩。不作痛也。雄按外風由於風入。

內風由於火升。若內風。故古方中川芎茶調散。大迫
及暑熱頭痛。均忌風藥。風散。頗易取效。痛久則成頭風。其方更繁。不能縷述。
眞頭痛。乃死證。外灸百會穴。內進參附湯。黑錫丹。或
冀挽回。實未試驗。尋常頭痛。亦有死者。高陽生云。頭
疼短澀。應須死。生平曾見之矣。頭與腹俱痛。有五證。
臭毒傷酒傷溼。不伏水土。瘡毒入腹也。有頭痛止則
腹痛。腹痛止則頭痛。此屬脾陰虛。胃火隨氣上下。芎
歸芍藥木香。香附黃連葱白。又有頭痛。諸藥不效。其
痛更甚者。或因督脈爲病。宜用茸珠丹。或香茸八味。

九。復有雷頭風。另是一項。乃內鬱痰火。外束風熱。大頭風。卽大頭瘟。或痛或不痛。或潰或自消。死生反掌。至於眉稜骨痛。係足少陽風熱與痰。最能傷目。若兩耳出膿。則危矣。宜以濃茶一碗探吐之。次用清上藥。如選奇湯。清空膏之類。婦人注目鍼繡。往往眉骨痠痛。此宜滋陰養血。

心脾痛 雄按係胃脘痛也

丹溪治一人以酒飲牛乳。患心疼案。

又治一婦春末心脾疼案。

俞按二人脈象俱是虛寒。而皆以溼熱治者。上條屢服熱藥不效。且年久飲食無礙。大便或秘或泄。知其爲停飲也。後條以胸前畏熱喜涼。及脈沈細澀爲據。所謂稍重則絕者。以細澀故也。與闊大而爽之虛寒不同矣。故加黃連滑石。徧觀丹溪案。凡脈絃細澀者。俱不用溫藥。想其閱歷多而認得真也。

游以春治一姦婦。年三十餘。忽午後吐酸水。梔許至未時。心前作痛。至申時痛甚。暈去。不知人事。至戌方蘇。每日如此。屢治不效。游用二陳下氣之劑。亦不效。熟思之。

忽憶鍼經有云。未申時氣行。膀胱想有瘀血。滯於此經。致然。遂用歸尾紅花各三錢。乾漆五錢煎服。吐止痛定。暈亦不發。次日復進一帖。第三日加大黃桃仁飲之。少便去凝血三四碗而痊。

俞按先吐酸水。然後心前作痛。醫者必認胃病。而以痰氣兼溼熱治。或兼寒溼治耳。乃從所發之時。想到氣行於小腸膀胱。果得小便去凝血而愈。內經所謂病在上求之下也。此豈庸手所能辨。雄按還當以脈象別證。兼參未可謂未申時之痛厥。

卽是瘀滯膀胱而可用峻藥也。讀者慎毋印定眼目。
吳人峯之室。胃脘作痛。兩脇脹急。痛一陣則汗出一番。
兩顴紅。脣口亦紅。飲食入口卽吐者三日夜矣。孫文垣
診之。兩寸脈洪大。兩尺沈微。孫以井水半碗。百沸湯半
椀。名曰陰陽湯。調元明粉一錢五分服之。不惟不吐。痛
減半矣。少頃大便秘行三次。因食豆腐及粥太早而痛復
作。脣臉皆紅。此必有蟲。故如是也。與桂枝白芍甘草烏
梅川椒五靈脂杏仁水煎服。痛定大半。再以蒼朮厚朴
山查枳實茯苓延胡香附一帖。痛全止。但心背皮膚外

疼不能著蓆而眠。以芎歸苓朮橘半厚朴腹皮香附甘草調養全愈。

李士材治章魯齋。暑月心中大痛。服香薷飲痛尤甚。寸口弦急。乃痰食交結也。服香砂二陳湯兩帖。痛雖略減。因苦煩悶。更以胃苓湯加半夏二錢。大黃三錢。下黑矢數枚。痛減三四。再加大黃一錢。下膠痰十數碗始安。嘉善一人胃腕痛。胸膈痞塞。向作痰治。氣治均不效。後服控涎丹。數日大瀉不止。上稍舒而體倦甚。遂以六君子湯。數帖精神漸復。而痛脹如前矣。

雄按先攻後補。原是治病法。程但中

虛停飲宜攻補並用。余治黃某久患此證。諸藥不效。以大君去甘草。送服控涎丹數劑而瘳。薛生白

用千金子煎湯磨沈香木香檀香丁香服一月而全愈。

服時亦作渴。薛云無妨。故守其法而收功。雄按此方可名千金五香。

飲服此能痊蓋氣鬱飲停之病也。

杭州葉醴醕少年時腕痛不能食。身極羸瘦。上海杜良

一用綱目厚朴煎丸。每晨以人參二錢煎送丸藥三錢。

服一月而痛除根。食大進。身遂肥碩。雄按此攻補兼施法也。

俞按臨證指南治腕痛大半是肝邪犯胃。或挾痰。或

挾痰。或兼寒。或兼熱。再辨胃之虛實。肝之寒熱而錯

綜參伍以爲治。卽紫金丹。括裏薤半桂枝湯。瀉心加
枳實汁。異功加歸芍。總皆古法。不立新方。其用石決
明。桑寄生。阿膠。生地。杞苓。石斛等。以養胃汁。卽鼓峰
滋腎生肝法也。其用蘇木。人參。桃仁。歸尾。鬱金。柏仁。
琥珀。芫蔚。以紅棗肉丸。卽孫文垣治查良川法也。惟
緩逐其瘀。或用蜣螂。廔蟲。靈脂。桃仁。桂枝。蜀漆。韭白
汁丸。以蟲豸入血。搜逐爲最巧。又陽微濁凝。用川椒
乾薑烏附大劑。辛熱驅寒。不加監制之藥。爲最猛。惟
此二方有大力。量然指南全部。亦僅數年之醫案。豈